



Nuwe pryse, prysstrukture en koerierfooie sal op **1 September 2021** in werking tree. Neem asb. kennis van die nuwe pryse op die meegaande bestelvorm. Let ook op die nuwe prysstruktuur-aanpassings soos hieronder aangedui. Koerierfooie (waar van toepassing) sal verhoog van R110 tot R150. **Daar sal slegs 'n 10% verspreidervoordeel op bestellings met 'n herverkoopwaarde van minder as R500 wees.**

2020 → 2021-08-31 PRYSSTUKTUUR**2021 → 2022-08-31 PRYSSTUKTUUR****Bestellingstotaal****Voordeel****Bestellingstotaal****Voordeel**

R1 → R799

15% + Koerier

R1 → R499

10% + Koerier

R800 → R1 299

26% + Koerier

R500 → R1 499

20% + Koerier

R1 300 → R14 999

37%

R1 500 → R4 999

37%

R15 000 →

40%

R5 000 → R8 499


38%

R8 500 → R11 999

39%

R12 000 →

40%



Handtering van persoonlike en betalingsinligting soos krediet-/debietkaartbesonderhede, is 'n redelike tameletjie. Heelwat Aloe Ferox-verspreiders verkies egter om hul kaartinligting direk aan ons te verskaf vir spoedige verwerking van betalings, maar daar is altyd risiko's hieraan verbonde:

1. Eposse kan tussen versender en ontvanger gekaap word.
2. Eposse kan gekaap word terwyl dit nog verwerk moet word.
3. Derde partye kan oproepe onderskep en daarop inluister.

Die risikopotensiaal is regtig baie groot!

Alhoewel ons steeds kaartbesonderhede sal verwerk, doen ons tog 'n beroep op alle verspreiders wat van hierdie metode gebruik maak, om groot asb. oor te skakel na EFT-betalings indien moontlik.



3 nuwe velsorgprodukte met uitstekende antimikrobiële werking (*AntiMicrobial* activity) t.o.v. aknee en ander veltoestande is onlangs ontwikkel. Die nuwe AM-produkte bevat spesifieke ingrediënte wat mikrobiële aktiwiteit teëwerk en vernietig, veral waar bakterieë op die vel groei.

Nuwe produkte 2021



Die volgende is *standaard*-ingrediënte van die AM-produkte:

- ✓ 100% varsgeperste *Aloe ferox*-blaarsap met baie heilsame eienskappe, insluitend velbevogting, verbeterde oplosbaarheid en penetrasie van ander ingrediënte, ens.
- ✓ “Cetrimide” en “chlorhexidine gluconate” met sterk antiseptiese, antibakteriële en ontsmettende eienskappe.
- ✓ Laventelolie wat aknee-uitbrake kan stuit en ook help genees. Dit reinig porieë en verminder velinflammasie.
- ✓ Arganolie het die vermoë om die hoeveelheid sebum wat op die vel voorkom, te reguleer en sodoende te help met die behandeling van verskeie soorte aknee. Dit lei tot ’n gladder en meer egalige voorkoms.



1 AM FACE WASH – 100 ml vloeibare antimikrobiële gesigseep, geskik vir olierige en probleemvelle. AM FACE WASH bevat *sulfaatvrye* reinigingsmiddels vir sagte/irritasievrye reiniging. Afgesien van die *standaard*-ingrediënte, bevat AM FACE WASH ook *Aloe ferox*-bitterblaarsap, wat antimikrobiële, antivirale en swammerende eienskappe het.

BESTAANDE
FACIAL WASH BITTER



NUUTGEFORMULEERDE
AM FACE WASH

FACIAL WASH BITTER gaan binnekort deur die nuwe AM FACE WASH vervang word. FACIAL WASH BITTER sal nog beskikbaar wees totdat huidige voorrade uitverkoop is.



2 AM ALOE GEL – 75 ml antimikrobiële velsorgjell. AM ALOE GEL is ontwikkel as ’n meerdoelige gesig- en lyfjell wat die vel effens uitdroog om sekere veltoestande te help opklaar. Dit is dus geskik vir gebruik as daaglikse gesigjell, maar ook vir die voorkoming/behandeling van velprobleme. Buiten die *standaard*-ingrediënte, bevat AM ALOE GEL ook vitamien E en squalane, met verskeie velbevogtigingsvoordele.

V: So, wat presies is squalane/squalene? **A:** Squalene (met ’n “e”) is ’n lipiede wat natuurlik deur velselle geproduseer word. Ongelukkig neem die hoeveelheid squalene wat ons liggame produseer, af met ouderdom. Piekproduksie vind in die tienerjare plaas, en begin afneem in die 20’s en 30’s. Die vel raak gevolglik droër en growwer soos die ouderdom toeneem.

Gelukkig kom squalene ook in olywe, semels en suikerriet voor. Plantaanige squalene kan wel in velsorgprodukte gebruik word, maar dit moet eers gehidrogeneer word tot squalane (met ’n “a”). Hidrogenering is die proses waar onversadigde vette *versadig* gemaak word deur waterstofatome. Versadigde vette/olies is meer vel-vriendelik.



Squalane het baie voordele: dit bevogtig die vel, bevorder 'n jeugdige voorkoms, verlig die voorkoms van tydelike rooiheid, beheer velolie, verminder die voorkoms van fyn lyne, en nog baie meer. Dit hou ook vele langtermynvoordele in siende dat dit die vel se natuurlike olie naboots.

Nuwe produkte 2021



AM MOISTURIZER – 50 ml antimikrobiese gesigbevogtiger vir olierige en probleem-vel. **AM MOISTURIZER** bevat farmaseutiese graad bentonietklei, wat uitstekend is vir olierige en aknevelle. Ons velle word voortdurend blootgestel aan plaagdoders, lood, spoormetale soos koper, en vele ander omgewingsgiftstowwe. Hierdie giftstowwe kan in die liggaam ophoop en liggaamsfunksies negatief beïnvloed. Studies toon dat bentonietklei sulke giftstowwe kan absorbeer. 'n Goeie gesigbevogtiger met bentonietklei kan dus 'n veilige versperring tussen die vel en hierdie tipe giftstowwe vorm.



Benewens die *standaard*-ingrediante, bevat **AM MOISTURIZER** ook:

- ✓ Vitamine E-olie, soetamandelolie en jojoba-olie, wat akneetoestande kan verbeter.
- ✓ Allantoïen – 'n bevogtiger wat help om droë, growwe, skubberige en jeukerige vel, asook geringe velirritasies, te verminder en verhoed.
- ✓ Hydrolite 5 Green met velbevogtigende eienskappe asook antimikrobiële werking op die vel.

JASMINE HAND LOTION – 200 ml-bottel met pompaksie. Herhaaldelik gewaste hande lei uiteindelik tot droë, gebarste hande, wat tot die ontwikkeling van dié nuwe ligte, tog effektiewe handerूम gelei het. Die nuwe **JASMINE HAND LOTION** kan saam met enige pompaksie handewas seep soos bv. **JASMINE HAND WASH**, aangebied en verkoop word. **JASMINE HAND LOTION** is met jasmyn gegeur, wat dit lieflik na soet blomme en muskus laat ruik. Dit bevat verskeie bevogtiging- en versagmiddels, soos cetyl-alkohol wat help om growwe, droë vel sag en glad te maak.

Cetyl-alkohol is 'n organiese verbinding wat as 'n vetterige alkohol geklassifiseer word. Dit funksioneer as 'n versagter en bindmiddel in velsorgprodukte. Die naam cetyl-alkohol lei dikwels tot die wanopvatting dat dit uit alkohol (ethanol, IPA, ens.) bestaan wat die vel kan uitdroog, maar in werklikheid bevogtig dit die vel. Cetyl-alkohol help ook om die vel te beskerm teen irritasies, bakterieë en vogverlies. Hedendaagse cetyl-alkohol word van palmitiensuur, wat uit palmolie verkry word, geproduseer.



BESTAANDE
FOAMING CLEANSER

&

BESTAANDE
FACIAL WASH REGULAR



NUUTGEFORMULEERDE
FOAMING CLEANSER

FOAMING CLEANSER en **FACIAL WASH REGULAR** sal binnekort saamsmelt in 'n splinternuwe, sulfaat-vrye, vloeibare gesigseep. Die nuwe produk sal steeds bekendstaan as **FOAMING CLEANSER**.

Die nuwe formule sal beskikbaar raak sodra voorrade van die huidige **FOAMING CLEANSER** uitverkoop is.

BODYBUTTER in 'n 150 ml-potjie word op 1 Oktober 2021 bekendgestel. Dit sal ook vanaf Oktober deel uitmaak van die Kersgeskenke. "Body butters" het 'n swaarder, romiger tekstuur en is dus veral voordelig vir droë gedeeltes, soos elmoë, hande, bene en voete, maar kan oral op die liggaam aangewend word. Dit is meer doeltreffend om "body butters" saans aan te wend, wanneer die vel begin met daaglikse herstelwerk.

Nuwe produkte 2021



BODYBUTTER bevat verskeie plantaardige ingrediënte, soos amandel-, klapper-, appelkoospit- en suurlemoenolie, asook sheabotter – vette wat uit die neute van sheabome onttrek word. Die vette (spierwit tot ivoorkleurig) het 'n romerige tekstuur wat maklik op die vel versprei.

Die oorgrote meerderheid sheabotters is afkomstig van sheaboomneute uit Wes-Afrika.

Die hoë konsentrasies vetsure en vitamines in sheabotter maak dit 'n ideale ingrediënt om die vel sag en soepel te hou. Sheabotter het ook anti-inflammatoriese en genesende eienskappe. Sheabotter het 'n verfrissende/kalmerende uitwerking op die vel, veral op die gesig.

BODYBUTTER is ryk en kan uitbrake veroorsaak indien dit oormatig op die gesig gebruik word.

DIEETVESEL

Daar is bykans geen wetenskaplike navorsing rakende die waarde van dieetvesel afkomstig van aalwyne, beskikbaar nie – veral nie van die *Aloe ferox*-spesie nie. Ons is dus baie opgewonde om (moontlik die enigste!) pioniers in dié veld te wees, en gaan binnekort 3 splinternuwe 100% varsgeperste *Aloe ferox*-dieetveselsappe loods. Die World Cancer Research Fund (WCRF) meen dat tot 45% van alle dermkankergevalle verhoed kan word deur 'n veselryke dieet, gesonde gewigshandhawing en genoegsame fisiese aktiwiteit. Die American Heart Association stel 'n eetplan voor wat 'n daaglikse inname van ±30 g dieetvesel (uit kosse soos groente, vrugte en plantmateriaal) insluit. Genoegsame daaglikse veselinname hou onsaglik baie voordele in, insluitend verlaagde bloedsuikervlakke. Hierdie splinternuwe **ALOE FIBRE JUICE** gaan in 3 variante beskikbaar wees:

• **BANAPEARRY** – 35 g oplosbare aalwynvesel per 500 ml-bottel, aangevul met gesuiwerde ondergrondse water. Dit is gegeur met nie-voedsame piesang- en aarbeigruksmiddels, sowel as peer- en stevia-ekstrakte. Dosis: 500 ml per dag of soos nodig om veselinname aan te vul.

• **CONCENTRATE** – 250 g ongegeurde, oplosbare aalwynvesel per 500 ml-bottel, aangevul met gesuiwerde ondergrondse water. Dosis: 70 ml per dag of soos nodig om veselinname aan te vul.

• **BITTER** – 35 g oplosbare aalwynvesel per 500 ml-bottel, aangevul met gesuiwerde ondergrondse water. Dit bevat ook stevia-ekstrak en 1% *Aloe ferox*-bittersap. Bittersap bevat aloïne wat as 'n lakseermiddel dien, en dus hardlywigheid behandel deur dermbeweging te stimuleer. Dosis: 10-30 ml behoort genoeg te wees om dermbeweging binne 6-12 ure te stimuleer.

